

Date – 10/07/2025
Time - 7:30 -7:40Hrs
AKASHVANI AIZAWL

REGIONAL NEWS BULLETIN

HEADLINES (MORNING)

1. Khawzawlah vawk pul hri ASF avangin tunhnaiah vawk 100 chuang an thi.
2. Social Welfare Dept hnuaiah midang zirtir chhawng tura ruat kohhran hmeichhia leh hmeichhe NGO-te ruihhlo hmansual laka inven dan zirtirna neih a ni.
3. India leh Namibia te chuan Health and Medicine, Entrepreneurship Development Centre dinna tur inremna thuthlung an ziaak.
4. Gujarat Chief Minister Bhupendra Patel chuan Padra-a lei chim chungchang chhui turin thupek a chhuah.

<><><>

KHAWZAWL ASF

Khawzawl khawpui chhungah Vawk pul hri, African Swine Fever vanga Vawk thi a awm belh zel avangin Khawzawl District Magistrate Pu K. Vanlalthiana chuan Vawk khuahkhirhna leh khapna thupek a tichhuak.

Khawzawlah hian Report a luh tlai avangin tun thla ni 6 khan ASF hripui a leng tih finfiah a ni a. Ni 6 khan Vawk 38 thi Report a awm hnuah nimin thleng khan vawk 147 thi tawhin nimin bikah Vawk thi Report hi 36 a awm leh a. Tun dinhmunah Khawzawl khawpui chhungah chauh Vawk thi hi ala awm nia thudawn a ni.

VC

ASF hripui leng chungchangah hian DC Pu K. Vanlalthiana hovin a kaihnnawih thuneitute an thukhawm nghal a. Hemi hnu hian Pu K. Vanlalthiana chuan District Magistrate a nihna angin Vawk chungchangah thupek a ti chhuak a. AS) chu Khawzawl Town.chhungah hmuh a nih tak avangin, Khawzawl District chhunga vawk vulh tu te an lo fihlim zel theihna turin ram pawn leh ram chhung. State dang leh ASF hrilenna District dang atangin Vawk, Vawksa leh Vawksa atanga siam thil reng reng lakluh leh thawn chhuah phal a ni lo a ti a. Vawk damlo reng reng talh leh hralh khap tlat a ni. Vawk damlo reng reng chu dah hran vat tur a ni a. Vawk thi reng reng paih mai lovin, thuk taka chinai emaw bleaching powder nen emaw phum bo tur a ni a ti.

Hei bakah hian Vawk damlo leh thi a awmin District Animal Husbandry & Veterinary Office Department Official-te hnenah report vat thin tur tih thupek a ni bawk.



KOLASIB DRAGON FRUIT ASSN

Kolasib District chu Mizoram sorkar in One village One Production a kalpui mekah Dragon fruit chinna District atan kalpui mek a nih laiin an thei tharchhuah chungchangah harsatna an tawk mek a,

Mizoram Dragon Fruit Association (MIDFA), Kolasib District ten an dinhmun thlirin, a hralhna chungchanga harsatna an tawh loh nan hma lak dan tur nimin khan an sawiho.

He meeting, DHO Conference hall, Kolasib a neih hi MiDFA Kolasib District President Pu R. Lalhmingthanga kaihruaii, dragon fruit chingtuten kum hmasa lam aiin tharchuak tam zawk tura an in beisei laiin, thenkhat chu an Dragon fruit in natna a kai nasat avangin kum hmasa lam an phak dawn lo niin an sawi a, he an harsatna tawh chungchangah nasa zawka hma lakpui turin thuneitu te an beisei tih an sawi.

Hei bakah hian Dragon fruit tharchhuah te hmundang atanga leisak tu tur an neih loh laiin, Tualchhunga dragon fruit leisak thin tu KAMCO Society ten an product hralhna kawngah sorkar lakah harsatna an tawh avangin, KAMCO Society ten an product hralhna ah harsatna an tawh zel loh nan mizoram sorkarin ruahmanna fel siam thuai se an duh thu an sawi bawk.

He meeting ah hian Kolasib District a dragon fruit farmer te hmasawinna tur hma lak dan tur kawng hrang hrang sawiin, sorkar nen thawh ho dan ngaihtuah nise an ti a ni.



MASTER TRAINER TRAINING ON RUIHHLO DO

Ni hnih chhung awh, midang zirtir chhawng tura ruat kohhran hmeichhia leh hmeichhe NGO-te tana ruihhlo hmansual laka inven dan inzirtirna, Aizawla neih chu nimin khan khar a ni a, .

He hun hi Directorate of Social Welfare hnuaia Mizoram Social Defence and Rehabilitation Board leh Working Committee on Ruihhlo Do-te tangkawp buatsaih a ni Social Welfare, Women & Child Development Minister Pi Lalrinpuiin a hmanpui a ni.

Pi Lalrinpuui chuan ruihhlo leh a kaihnawih hrang hrangte’n kan ram a run mek laia dam khawchhuahna tura hmeichhiate pawimawhia sawiin, hemi chungchanga sawrkar hmalaknate a tarlang a. Ruihhlo do chu sawrkarin policy-a a neih avangin he lamah hian ke a pen nasa dawn a ni, a ti a. Mizoram chu chhan tlak a la awm avangin ruihhlo chungchang inhrilhhriatna leh ti chhin lo tura inven dan inzirtir tam a pawimawh thu sawiin, Minister chuan kalkhawmte chu an thil zirte tangkai taka hman chhonzawm turin duhsakna a hlan a ni.

Social Welfare Director Dr. Lalhriatzuali Ralte chuan Kohhran leh khawtlanga nihna pawimawh tak tak chelhtu hmeichhe kalkhawmte chu

ruihhlo do kawngah tang ngam tur leh huaisen taka hmalam pan zel turin a chah a ni.

Ruihhlo chungchang inzirtirna hunah hian kohhran leh hmeichhe pawl hrang hrang – Mara Chano Py (MCHP), Seventh Day Adventist, UPC (Mizoram), MHIP General Headquarters, Evangelical Church of Maraland, Central Kohhran Hmeichhia, Mizoram Baptist Kohhran Hmeichhe Pawl, UPC (NEI), Salvation Army leh Lai Women Association – aiawhte telin, pawl hmalakna, harsatna tawh leh hmachhawpte an sawi a. Ruihhlo do kawnga an hmalakna puih nan inkaihhruaina bu leh sum fai hlan an ni.



NASHA MukT BHARAT ABHIYAN

Social Welfare Department Director Dr. Lalhriatzuali Ralte chuan thalaite nunphung dik an zir theihna bul chu chhungkua ani tih sawiin ruihhlo do kawngah kohhran leh pawl hrang hrang nen tanrual a pawimawh thu a sawi.

Akashvani Regional News Unit, Aizawl-in sorkar laipuiin ram pum huapa ruihhlo do beihpui a thlakna, Nasha MukT Bharat Abhiyan hnuaia Mizorama hmalakna chungchanga Social Welfare Director Dr. Lalhriatzuali leh CYMA General Secretary Dr Malsawmliana te a kawmnaah he thu hi a sawi a, Dr Lalhriatzuali Ralte chuan Mizoramin a mamawh chu ruihhlo ngaiten an sim theihna tur, De-addiction centre bakah hemi hnua anmahni enkawl zuina tur, after care rehabilitation niin a lang a ti a, Social Welfare Department chuan chhungkua atanga bultun a pawimawh hle a an hriat avangin kohhran leh pawl hrang hrang te nen thawk hova, hmalak an tum a, ruahmanna pawh mumal taka an siam thu a sawi bawk.

Central YMA General Secretary Dr Malsawmliana chuan Central YMA inn ruihhlo ti khawlaia riak thin te chu Home hrang hrangah te an dah thin tih sawiin, TBCC, Sakawrtuichhun leh OKM, Phunchawng te chu an dah tam berna te an nih thu a sawi a, heng home te hian rawngbawlina a ngaiin, a leng zat aia tam an lo dawngsawng thin a, mutna indaih loh chang te a thleng fo thin a ti a. Sorkar leh mimal bakah hian Mizorama Kohhran liante chu hemi chungchanga hmala thei ber turah a ngai tih sawiin kohhran hrang hrang ten rescue centre an neih sa te aia lian zawk siam thei se tha a tih thu a sawi bawk.



MIZORAM HIGHEST IN SDG

Hnahthial bialtu MLA Pu Jeje Lalpekhlua’n Hnahthial District in Sustainable Development Goals (SDG) (2023 atanga 2024) inkarah District ti

tha ber nihna a hauh chu lawmawm atih thu sawiin India in kum 2047-a ram hmasawn nih a tumna atana kawng pawimawh tak anih thu a sawi.

Pu Jeje Lalpekhlua chuan Hnahthial District tanrualna leh mipui thawhrimna ramchhunga hriat hlawha a awm chu lawmawm atih thu sawiin an hlawhtlinna chuan hmasawn zel bakah phurna tam tak a pe tih sawiin India in kum 2047-a ram hmasawn anih tumna atan kawng pawimawh tak ani tih a sawi.

NITI Aayog-in hmarchhak biala District Sustainable Development Goals (SDG) Index report (2023-24) thawhnhnihna a tihchhuahah Hnahthial district chu pakhatna a ni a, District ti tha zual 10 zingah hian Mizoram atangin Champhai chu pahnihna niin Kolasib chu pakuana a ni bawk a. Mizoram, Sikkim leh Tripura te chuan hmahruaitu Front Runner Status an kai pha tawh a. Heng state pathumte hian Aspirant category awm district an nei tawh lo a. DSDG Index report ah hian Northeast Region-a district 121 dinhmun tarlan a ni.



AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Vawiin chawhnu dar 2 leh a chanve-ah Chanchinthar puan leh a ni ang.



PM

India leh Namibia te chuan Health and Medicine, Entrepreneurship Development Centre dinna tur inremna thuthlung an ziak. Hei bakah hian kumin kumtawp lama Namibia-a Digital Payments system thar kalpui tur anih thu puan a ni bawk.

Prime Minister Narendra Modia chuan nizan khan Namibia Parliament ah thu sawiin hmechhe President hmasa ber an thlang chu a fak a. Mipui rorelna democracy mawizia ti lang tu anih thu a sawi a ni.

Prime Minister Narendra Modia hi Namibia rama chawimawina sang ber Order of the Mos Ancient Welwitschia Mirabilis hlan a ni bawk.

Puan tawh angina Prime Minister Narendra Modia hian nimin khan Namibia khawpui Windhoek a thleng a. Pu Modia hi kum 30

hnua India Prime Minister zinga Namibia tlawh hmasa ber a ni a. Windhoek-a Hosea Kutako International Airport ah ropui taka lo hmuah a ni.

<><><>

GUJARAT

Gujarat Chief Minister Bhupendra Patel chuan Padra-a lei chim chungchang chhui turin thupek a chhuah. Nimin khan Gujarat-a Vadodara district chhung Padra kianga lei chimah hian mi pakua an thi a, midang engemawzatin hliam an tuar. Lei chim hi Anand leh Vadodara district inkalpawhna lei Gambhira bridge a ni a. Lei hnuaia Mahisagar luiah lirthei panga an pil a. Chief Minister Patel hova Cabinet thukhawm chuan he vanduaina hi chhui tur leh preliminary report pe turin official te an hriattir a ni.

<><><>